



Broj: 10/E-11-6371/23  
Sarajevo, \_\_\_\_\_ godine

Na osnovu <sup>24.01.2024</sup> člana 69. stav (2), tačka d), člana 70. stav (4) Zakona o javnim nabavkama Bosne i Hercegovine ("Službeni glasnik BiH", br. 39/14 i 59/22) u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), u skladu sa Rješenjem Ureda za razmatranje žalbi Filijala/podružnica Mostar, broj: JN2-03-07-1-3546-8/23 od 05.01.2024.godine, a na prijedlog Komisije za nabavku roba, usluga i radova I imenovana rješenjem broj: 10-45-1694/23 od 23.02.2023.godine, u daljem tekstu: Komisija I, u postupku javne nabavke za nabavku i isporuku sredstava za čišćenje i održavanje higijene zgrade Općine Centar i mjesnih zajednica za 2024.godinu, (Zapisnik o pregledu i ocjeni ponuda broj: 10/E-11-6371/23 od 19.01.2024.godine), Opštinski načelnik  
d o n o s i:

## **ODLUKU O PONIŠTENJU POSTUPKA**

**I** Poništava se postupak javne nabavke za nabavku i isporuku sredstava za čišćenje i održavanje higijene zgrade Općine Centar i mjesnih zajednica za 2024.godinu, putem konkurentskog zahtjeva za dostavu ponuda, uz primjenu-eaukcije, iz razloga što nije dostavljena nijedna prihvatljiva ponuda, u skladu sa članom 69. stav (2) tačka d) Zakona o javnim nabavkama Bosne i Hercegovine ("Službeni glasnik BiH", br. 39/14 i 59/22).

**II** Ova odluka stupa na snagu danom donošenja i dostavlja se ponuđačima koji su učestvovali u postupku javne nabavke u roku od 7 dana, shodno članu 71. Zakona i ista će biti objavljena na Internet stranici Općine Centar Sarajevo.

### **O b r a z l o ž e n j e**

Postupak za javnu nabavku i isporuku sredstava za čišćenje i održavanje higijene zgrade Općine Centar i mjesnih zajednica za 2024.godinu, pokrenut je Odlukom Opštinskog načelnika o pokretanju postupka broj: 10/E-11-6371/23 od 10.10.2023.godine putem konkurentskog zahtjeva za dostavu ponuda, broj Obavještenja na Portalu javnih nabavki: 848-7-1-160-3-192/23 od 19.10.2023.godine, Ispravka za Obavještenje o nabavci broj: 848-7-1-161-8-198/23 od 27.10.2023.godine, Ispravka za Obavještenje o nabavci broj: 848-7-1-161-8-204/23 od 06.11.2023.godine.

Javna nabavka je provedena putem putem konkurentskog zahtjeva za dostavu ponuda, uz primjenu-eaukcije, a procijenjena vrijednost javne nabavke je 34.180,00 KM bez PDV-a, za cijeli period trajanja Okvirnog sporazuma.

U određenom roku za predaju ponuda, 14.11.2023. godine do 12,00 sati, dostavljene su 3 (tri) ponude, i to od ponuđača: 1. „DEFTER“ d.o.o. Sarajevo; 2. „INTER-COM“ d.o.o. Zenica i 3. „AERO-EXCLUSIVE“ d.o.o. Sarajevo.

S obzirom da je za navedeni postupak donešena Odluka o izboru najpovoljnijeg ponuđača br.: 10/E-11-6371/23 od 22.11.2023. godine na koju je ponuđač „DEFTER“ d.o.o. Sarajevo izjavio Žalbu od 27.11.2023.godine, ista je proslijeđena Uredu za razmatranje žalbi BiH Filijala Mostar na rješavanje.

U žalbenom postupku po žalbi ponuđača „DEFTER“ d.o.o. Sarajevo, Rješenjem Ureda za razmatranje žalbi Filijala/Podružnica Mostar, broj: JN2-03-07-1-3546-8/23 od 05.01.2024. godine usvojena je žalba ponuđača „DEFTER“ d.o.o. Sarajevo, poništena Odluka o izboru najpovoljnijeg ponuđača broj: 10/E-11-6371/23 od 22.11.2023. godine, te je predmet vraćen prvostepenom organu na ponovni postupak.

U skladu sa navodima iz Rješenja Ureda za razmatranje žalbi BiH Filijala Mostar broj: JN2-03-07-1-3546-8/23 od 05.01.2024.godine, Komisija I je izvršila ponovnu evaluaciju prispjelih ponuda, i to kako slijedi:

- ponuda ponuđača „DEFTER“ d.o.o. Sarajevo nije prihvatljiva, te se ista isključuje iz daljeg postupka evaluacije.

Naime, u ponudi ponuđača „DEFTER“ d.o.o. Sarajevo dostavljeni su uzorci u skladu sa zahtjevom tenderske dokumentacije, tačka 7.3.1. a), međutim dostavljeni uzorak za stavku pod rednim brojem 10. iz Obrasca za cijenu ponude-robe (Aneks 2) nije u skladu sa zahtjevom i opisom navedene stavke i isti nije moguće prihvatiti, te se ponuda ponuđača „DEFTER“ d.o.o. Sarajevo isključuje u skladu sa odredbom člana 68. stav (1) Zakona o javnim nabavkama.

- ponuda ponuđača „INTER-COM“ d.o.o. Zenica nije prihvatljiva, te se ista isključuje iz daljeg postupka evaluacije.

Naime, u ponudi ponuđača „INTER-COM“ d.o.o. Zenica dostavljeni su uzorci u skladu sa zahtjevom tenderske dokumentacije, tačka 7.3.1. a), međutim dostavljeni uzorci za stavke pod rednim brojem 3. i rednim brojem 10. iz Obrasca za cijenu ponude-robe (Aneks 2) nisu u skladu sa zahtjevom i opisom navedenih stavki i iste nije moguće prihvatiti, te se ponuda ponuđača „INTER-COM“ d.o.o. Zenica isključuje u skladu sa odredbom člana 68. stav (1) Zakona o javnim nabavkama.

- ponuda ponuđača „AERO-EXCLUSIVE“ d.o.o. Sarajevo nije prihvatljiva, te se ista isključuje iz daljeg postupka evaluacije.

Naime, u ponudi ponuđača „AERO-EXCLUSIVE“ d.o.o. Sarajevo dostavljeni su uzorci u skladu sa zahtjevom tenderske dokumentacije, tačka 7.3.1. a), međutim dostavljeni uzorak za stavke pod rednim brojem 9. i rednim brojem 46. iz Obrasca za cijenu ponude-robe (Aneks 2) nisu u skladu sa zahtjevom i opisom navedene stavke i iste nije moguće prihvatiti, te se ponuda ponuđača „AERO-EXCLUSIVE“ d.o.o. Sarajevo isključuje u skladu sa odredbom člana 68. stav (1) Zakona o javnim nabavkama.

Imajući u vidu da je Tenderskom dokumentacijom predviđeno provođenje e-aukcijem, ista nije provedena iz razloga što je u ponovnoj evaluaciji ponuda u skladu sa Rješenjem Ureda za razmatranje žalbi BiH Filijala Mostar broj: JN2-03-07-1-3546-8/23 od 05.01.2024.godine konstatovano da nije dostavljena nijedna prihvatljiva ponuda, te se postupak javne nabavke okončava u skladu sa članom 69. Zakona, bez provođenja e-aukcije u skladu sa odredbama člana 3. stav (3) Pravilnika o uslovima i načinu korištenja e-aukcije („Službeni glasnik BiH, broj 80/23).

Komisija I u daljem radu je donijela jednoglasnu odluku da se Opštinskom načelniku dostavi

### **PREPORUKA O PONIŠTENJU POSTUPKA**

U skladu sa Rješenjem Ureda za razmatranje žalbi Filijala/podružnica Mostar, broj: JN2-03-07-1-3546-8/23 od 05.01.2024.godine i Zapisnikom o pregledu i ocjeni ponuda od 19.01.2024.godine utvrđeno je da nije dostavljena nijedna prihvatljiva ponuda, u skladu sa članom 69. stav (2) tačka d), čime su se stekli zakonski uslovi za poništenje postupka nabavke za nabavku i isporuku sredstava za čišćenje i održavanje higijene zgrade Općine Centar i mjesnih zajednica za 2024.godinu.

Iz navedenog razloga, primjenom člana 69. stav (2) tačka d) Zakona o javnim nabavkama BiH ("Službeni glasnik BiH", br. 39/14 i 59/22), Opštinski načelnik u postupku navedene nabavke nije našao razloge, niti nepravilnosti u radu Komisije I koji bi eventualno bili osnov za neprihvatanje preporuke Komisije I, te je odlučeno kao u dispozitivu ove Odluke.

**Pouka o pravnom lijeku:** Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke shodno članu 101. Zakona.



**OPŠTINSKI NAČELNIK**

Srdan Mandić

Prilog: Zapisnik o pregledu i ocjeni ponuda  
broj: 10/E-11-6371/23 od 19.01.2024.godine

**DOSTAVITI:**

1. Ponuđačima:

- „DEFTER“ d.o.o. Sarajevo, ulica Gatačka broj 20, 71000 Sarajevo
- „INTER-COM“ d.o.o. Zenica, ulica Vrandučka broj 71b, 72000 Zenica
- „AERO-EXCLUSIVE“ d.o.o. Sarajevo, ulica Kolodvorska broj 12, 71000 Sarajevo

2. Službi za zajedničke i tehničke poslove

3. Službi za finansije

4. Kabinetu općinskog načelnika – Odsjek za javne nabavke

5. Arhiva

